

SCRIPT OF EVENING GOJRI NEWS BULLETIN 26JAN 2026

1700HRS

اونگ گوجری نیوز بولٹن 26 جنوری 2026

یوہ آکاشوانی جموں ہے نصرت تے اظہر حسین تیں خبر سُنو۔

HEADLINES

۱۔ کرتویا پتہ ور یوم جمہوریہ غی پریڈ مانہ، بھارت غا ثقافتی تے فوجی طاقت غی خوبصورت جھلکی پیش کی گئیں۔

۲۔ صدر جمہوریہ محترمہ دروپدی مرمو نے کہیو آتم نربھرتا تے سودیشی ملک غی معیشت نانہ مضبوط بنان مانہ اہم کردار ادا کرے۔

۳۔ ایقٹینٹ گورنر منوج سنہا نے جموں مانہ یوم جمہوریہ غی تقریب غے دوران قومی چھنڈو پھرایو۔

۴۔ دنیا پھر مانہ بھارتی برادری نے جوش و جذبہ غے نال یوم جمہوریہ نانہ منایو۔

REPUBLIC DAY 2026

اج ملک 77 ووں یوم جمہوریہ منارنی ہے صدر جمہوریہ محترمہ دروپدی مرمو نے نوی دلی غا کرتویا پتہ تیں یوم جمہوریہ غی تقریبات غی قیادت کی تقریب غو آغاز وزیر اعظم نریندر مودی نے قومی وار میموریل غا دورا تیں کیو، جت انہاں نے شہید فوجیاں نانہ خراج عقیدت پیش کرن واسطے پھولاں غی چادر چاڑی۔ صدر جمہوریہ، پریڈ غا خصوصی مہماناں غے نال ایک روایتی بگھی مانہ کرتویا پتہ ور پُجی۔ اس موقع ور یورپی کونسل غا صدر انٹونیو کوسٹا تے یورپی کمیش غی صدر اروسلا لیان وی موجود تھیں۔ قومی چھنڈو پھران تیں بعد قومی ترانو پیش کیو گیو تے 105 ملی میٹر لائٹ فلڈ گنز غے ذریعے 21 توپاں غی سلامی دتی گئی۔ صدر جمہوریہ نے بھارتی فضائیہ غا گروپ کپٹن شبھانشو شکلا نانہ اشوک چکر تیں نوازیو۔ اج کرتویا پتہ تیں ہون آلی یوم جمہوریہ پریڈ مانہ بھارت غا ثقافتی رنگ تے فوجی طاقت نانہ خوبصورتی سنگ پیش کیو گیو۔ اس سال پریڈ غو موضوع تھو، سوتنتر غو منتر، وندے ماترم تے سمردھی غو منتر، آتم نربہر بھارت پریڈ مانہ مختلف ریاستاں، مرکزی زیر انتظام علاقاں تے مرکزی وزارتاں غی 30 جھانکھی پیش کی گئیں۔ ان جھانکیاں مانہ وندے ماترم غا 150 سال تے ملک غی خود کفالت ترقی نانہ دسیو گیو۔ ترے افواج ور مشتمل ایک خاص جھانکی۔ جس مانہ آپریشن سندھور غے دوران استعمال ہون آلا بڑا ہتھیاراں گا ماڈل دسیا گیا، جھپڑو پریڈ غی خاص کشش ریہ۔ براہ موس تے آکاش میزائل سسٹم، گہرا حملہ غی صلاحیت رکھن آلو راکٹ لانچر، سورہاستر تے ارجن ٹینک نمایاں ہتھیاراں مانہ شامل تھو۔ تقریب غو اختتام بھارتی فضائیہ غا 29 طیاراں غا فزائی پاسٹ تیں ہوو، جن مانہ رافیل، ایس یو 30، سی 295، میگ 29، اپاچی ہیلی کاپٹر شامل تھو۔ پریڈ غے دوران 2500 تیں متہ فنکاراں نے ثقافتی پروگرام پیش کیا، جدکہ بکھ بکھ شعباں تیں تعلق رکھن آلا خصوصی مہماناں نے تقریب مانہ شرکت کی۔

PREZ R DAY MESSAGE

GST REFORMS TABLEAU

واں یوم جمہوریہ غی پریڈ غے دوران ایم اے سٹیڈیم جموں مانہہ ریاستی ٹیکس 77 محکمہ جموں کشمیر غی جانب تیں جی ایس ٹی اصلاحات 2 عشریہ صفر ور مبنی ایک جھانکی پیش کی گئی۔ اس جھانکی مانہہ سادہ ٹیکس نظام تے کم کیا گیا ٹیکس سلیب نانہہ نمایا کیو گیو جس تیں عام لوکاں نانہہ فائدو پُچ رہیو ہے۔ جھانکی غے ذریعے دسیو گیو کہ ضروری اشیاء تے خدمات ور ٹیکس کھٹ کرن تیں گھریلو اخراجات مانہہ کمی آئی ہے ، شفافیت بدھی ہے تے معشیت نانہہ رفتار لبی ہے۔ اس مانہہ اس گل ور وی زور دتو گیو ہے کہ حکومت عوام دوست ٹیکس پالیسیاں غے ذریعے جموں کشمیر مانہہ سارا غی شمولیت غے نال ترقی نانہہ فروغ دے رئی ہے۔

GLOBE

دنیا بھر مانہہ مقیم بھارتی برادری نے 77 ووں یوم جمہوریہ نانہہ، بڑا جوش و خروش سنگ مانیو بیرون ملک، بھارتی سفارت خانہ مانہہ قومی چنڈو پھرایو گیو ، جس سنگ حُب الوطنی غو جز بو بھرپور انداز مانہہ نظر آیوچین غی دارلحکومت بیجنگ مانہہ بھارت غا سفیر پردیپ کمار راوت نے قومی چنڈو پھرایو تے صدر جمہوریہ محترمہ مرمو گا

خطاب غا اہم حصہ پڑھ غے سنایا، اس موقع ور وندے ماترم تے بھارت ماتا غی جے غا نعارہ لایا گیا۔ امریکہ غو شہر واشنگٹن مانہہ امریکی وزیر، خارجہ مارکو روبیو نے بھارت نانہہ یوم جمہوریہ غی مبارک باد دتی، انہاں نے کہیو کہ دفاع ، توانائی، اہم معدنیات تے جدید ٹیکنالوجی جیسا شعوباں مانہہ بھارت تے امریکہ غا قریبی تعاون تیں دواں ممالک تے ہندبضرالکابل خطہ نانہہ فائدو پُچ رہیو ہے۔ انہاں نے قواڈ غے تحت دواں ملکاں غا تعلقات نانہہ وی سہرا یو برطانیہ غا تیجا کنگ چارلس نے صدر جمہوریہ دروپدی مرمو تے بھارت غی عوام نانہہ یوم جمہوریہ غی مبارک باد دی۔ انہاں نے مشترکہ وسائل، مشترکہ اقدار ، ور قائم بھارت۔ برطانیہ شراکت داری غی تعریف کی۔ سنگاپور مانہہ بھارت غا ہائی کمیشنر ڈاکٹر شلیپک امبولے نے بھارتی برادری غے نال مل غے یوم جمہوریہ نانہہ مانیو تے صدر جمہوریہ غو خطاب پڑھ غے سنایو۔ جاپان مانہہ بھارت غا نامزد سفیر نگما ایم ملک نے بھارتی سفارت خانہ مانہہ قومی چنڈو پھرایو، تے اس موقع ور قومی ترانا غے نال صدر جمہوریہ غو خطاب پڑھ غے پیش کیو گیو۔

JK AWARDS

جموں کشمیر سرکار غی طرفوں 77 ووں یوم جمہوریہ غا موقع ور جموں کشمیر گورنمنٹ ایواڈ حاصل کرن آلا افراد غو اعلان کیو ہے جنہاں نے بہادری ادب فن عوامی خدمات کھیڈاں میہڈیا سماج سدھارن تے صنعتی شعبہ مانہہ نمایاں کارکردگیاں غو مظاہرو کیو بہادری غا شعبہ مانہہ ہپت ناڑ پہلگام غا عادل حسین شاہ نانہہ بعد از مرگ اس ایواڈ سنگ نوازیو گیو ہے۔ جس مانہہ 1 لکھ روپیاں غی نقد رقم تے تعریفی سند وی شامل ہے اس تیں علاوہ جموں گا پی۔ ایس۔ آئی نکھل کمار نانہہ وی بہادری غا ایواڈ گا طور ور 51 ہزار روپیاں غی نقد رقم تے اک تعریفی سند دتی گئی۔ ادب غا شعبہ مانہہ 6 افراد پُنیاں گیا ہیں جن مانہہ دوگری شعبہ غا یشپال نرمل، گوجری غا چوہدری حسین پرواز ، پہاڑی گا پرویز مانوس ، شاعری مانہہ فیاض

دلیر بعد از مرگ کیول کرشن شرم اتے رتن لعل شرما شامل ہیں ، سرکار غو کہنو
ہے جے بہترین کارکردگی لگن تے سماجی خدمات غا اعتراف مانہ ان افراد نانہ
نوازیو جارہیو ہے۔

RAJNATH ARTICLE

وزیر دفاع راج ناتھ سنگھ نے اج کہیو کہ بھارت ایک عوام غی پہلی جمہوریہ ہے
جت جمہوریت نہ صرف عوام کی تے عوام غے ذریعے ہے بلکہ ثابت قدمی تیں
عوام واسطے ہے ایک انگریزی روزنامہ واسطے ایک مضمون لکھتاں واں وزیر
موصوف نے کہیو کہ جمہوری جمہوریہ غا وعدہ غو اندازو اس گل تیں لایو جے
کہ ریاست اپنا لوکاں غی کتنی وفاداری سنگ خدمت کرے۔ انہاں نے مزید کہیو کہ
لوکاں غی خدمت کرنو ایک پائیداد تے مسلسل عزم ہے اپنا مضمون غے ذریعے
انہاں نے وزیر اعظم نریندر مودی غی قیادت مانہ بھارت غا سفر ور روشنی کہلی
تے شہریاں نانہ مبارک باد پیش کی۔
